

欽定盛京通志卷之七十四

國朝人物 十

正藍旗滿洲

欽定盛京通志

卷七十四

目錄

一

欽定盛京通志卷之七十四

國朝人物 十

正藍旗滿洲

達爾漢。姓郭絡羅。隸正藍旗滿洲。先世居沾河。父揚舒率部衆來歸。我

太祖以長公主下嫁之時

鴻業初創。輝發哈達諸部。恃強拒命。揚舒戮力行間。所至有功。及卒。

太祖親奠醊焉。達爾漢為長公主所出生。而英特。比長

欽定盛京通志

卷七十四

國朝人物十

二

尚公主為額駙。管佐領事。天命四年。二月從敗明兵於界藩。八月。從征葉赫。下其城。積功封一等男。

太宗即位。列八大臣。尋擢都統。征扎魯特部。單騎突陣。

擒其渠。又征棟鄂部。大破之。俘古穆楚赫爾父子。以歸。天聰元年。從征朝鮮。克義定安諸州。三年。從征明。以鑲黃旗兵。拔遵化。五年。以本旗兵。從攻大凌河。敗明人步騎五百。九年。征明山西。同都統阿山營於要地。制明寧錦兵。使不得西。

援。途遇敵兵八百。共擊敗之。斬錦州副將劉應選。崇德元年。從武英郡王阿濟格。征明。攻順義縣。先登。六年。從征錦州。順治元年卒。

鄂洛塞臣。額駙達爾漢之長子也。天聰中。從其父攻大凌河。崇德元年。從征朝鮮。並有功。五年。六年。兩圍錦州。鄂洛塞臣。並在軍中。屢引兵斷其樵採。擊敗松山援兵。明總督洪承疇擁衆十三萬來救。連破其步卒三營。以功。授二等輕車都尉。世職。擢副都統。順治元年。將兵定黑龍江

欽定盛京通志

卷七十四

國朝人物十

二

諸部。凱旋。

特遣大臣宴勞于郊。二年。從豫親王多鐸。勦流賊李自成。進薄潼關。賊堅壁拒守。鄂洛塞臣奮勇先登。擒其渠於陣。洊晉爵二等男。六年。擢都統。尋改刑部侍郎。疊遇

恩詔。晉爵二等子。十六年。駐防荊州。以兵破海賊鄭成功於楊子江。康熙三年。卒。贈太子太保。諡果毅。賜祭葬如例。

布當。姓博爾濟吉特。初爲烏嚕特部貝子。天命

七年率部衆來歸。授二等輕車都尉。俾領所部蒙古爲一旗。天聰三年。從征明。入龍井關。攻遵化。明總兵趙率教等以步騎四千來援。大敗之。殺功。晉爵三等男。六年。從征察哈爾。師還。俘獲少。又不卽隸戶籍。所部蒙古亦多違約束。不能成一軍。遂改隸滿洲正藍旗。崇德三年。擢刑部右叅政。四年卒。子衮濟襲爵。布當之弟曰色稜。遵化之役。亦在軍中。及圍錦州。並有戰績。順治元年。從入關。追敗流賊李自成。屢殲其衆。二年。復隨豫親王多鐸追擊之于潼關。自成竄商州。移師將下江南。賊黨亦轉而南。躡我師後。色稜爲殿。進擊破走之。三年。騰吉思叛。附喀爾喀。從豫親王往追其衆。擊敗土謝圖汗。碩雷汗等。援兵敘功。並遇。

恩詔。晉世職至一等輕車都尉。兼一雲騎尉。十二年卒。

子札木揚襲。

蘇嚕邁。姓嵩佳。隸正藍旗滿洲。世居棟鄂。幼從征。

太祖奇其勇。從攻撫順遼陽瀋陽。並先登搏戰。取之。授佐領。天聰元年。征朝鮮。攻義州。以二十人先登。三年。征明。克紅山口城。授騎都尉世職。四年。圍永平。乘夜攻城。力戰被創。

太宗遣大臣往視。加三等輕車都尉世職。賚以馬幣。

賜號曰巴圖魯。尋擢副都統。為兵部叅政。從攻旅順口。及寧遠城。並有功。其攻鷓鴣堡也。飛礮傷其口。獨戰。未常反顧。竟破之。以殘廢辭職。順治七年。

欽定盛京通志

卷七十四

國朝人物十

四

九年。三遇

恩詔。加世職一等輕車都尉。進至三等男。康熙元年。卒。諡勤勇。長子蘇爾濟。順治元年。從入關。亦屢著有軍功。

達海。姓覺爾察。隸正藍旗滿洲。其祖博洛來歸。父艾密禪。任散秩大臣。達海九歲。即通滿漢文義。弱冠。

太祖賜居內院。司文翰。每草詔。令稱

旨。遂

命正訂國書。達海更爲對音切字諧聲。文義周密。譯明會典。素書三畧。諸書莫不稱善。天聰三年。

太宗伐明。不欲究武。遣達海賫書與明議和。明人閉關不啟。復以書二。一置德勝門外。一置安定門外。四年。克永平。令達海立城上。執黃纛。諭降其民。是年。譯書成。授三等輕車都尉世職。

命曰巴克什。五年。征大凌河。使招總兵祖大壽。反復善諭。大壽遂降。十二月。定朝儀。六年。詳定國書字體。酌加圈點。六月。病篤。

欽定盛京通志

卷七十四

國朝人物十

五

太宗垂涕遣侍臣諭曰。朕以達海偶疾耳。今竟不起。惜哉。未寵任。後當優恤其子。

賜以蟒綺。達海感泣而卒。年三十八歲。尋召其子三人。賜予甚厚。追諡文成。康熙八年。其孫秘書院學士禪布乞立碑。

聖祖以達海精通滿漢文。所增加字義。於今賴之。著有勞績。

命追立碑石。

雅秦。達海長子也。天聰八年。襲父職爲騎都尉。

崇德三年。大軍征明。入董家口。抵燕京。還軍青  
山口。明將以兵來襲。雅秦率步卒擊敗之。六年。  
從圍錦州。戰松山。屢有功。任吏部理事官。八年。  
改戶部。順治元年。從入關。破流賊李自成。加三  
等輕車都尉。尋擢吏部侍郎。八年。擢國史院大  
學士。三遇  
恩詔。晉爵三等男。未幾卒。康熙三十一年。  
聖祖追念前勞。遣官祭其墓。

阿山。姓伊爾根覺羅。世居穆溪。從其父阿爾塔

欽定盛京通志

卷七十四

國朝人物十

六

什。歸我

太祖。隸滿洲正藍旗。俾大貝勒代善轄之。大貝勒置不  
用。阿山頗缺望。乘間逸去。旣而悔懼。復歸請罪。  
太祖察其才。特宥之。置諸左右。不以屬代善。阿山遂感  
激自效。天命六年。從征遼陽。有功。授二等輕車  
都尉世職。

太宗卽位。擢居十六大臣之列。尋與都統楞額禮。征札  
魯特。率六百入巴林。多所俘獲。進爵三等男。  
天聰元年。從征朝鮮。攻克義州城。三年。大軍征

明從攻紅山口。取其城。趨燕京。戰永定門外。陣擒其總兵麻登雲。四年。圍永平。以猛士二十四人。冒礮火先登。遂克其城。晉爵三等子。五年。從征大凌河。以兵三百。徇松山路。敗明兵二千。未幾。進都統。八年。畧地錦州。西征察哈爾。收其潰衆以歸。九年。明人聞我師將入大同。檄山海關兵赴援。阿山將前鋒兵四百。趨錦州以遏之。遇明副將劉應選等於大凌河。縱兵突擊。殪應選于陣。擒遊擊曹得功等四人。斬級五百。乘勝取

欽定盛京通志

卷七十四

國朝人物十

七

臺堡一。凱旋。

太宗親勞之郊。崇德元年。從武英郡王阿濟格征明。下鵬鶚堡。長安嶺。二城。別將兵攻克東安縣。二年。以舟師攻皮島西北隅。先登克之。斬守將沈世魁。晉一等子。予世襲。六年。從圍廣寧。攻錦州者再。並有功。七年。復從饒餘貝勒阿巴泰征明。入墻子嶺。越燕京。南下山東。屢戰皆捷。順治元年。從擊流賊李自成于山海關。自成敗走。遂與都統瑪拉希。自蒲津濟。破賊黨于平陽。留鎮其地。



二年。晉爵三等公。是時西安已平。豫親王多鐸。還定河南。移師下江南。阿山以所部從。自泗州渡淮。攻克揚州。督舟師而南。敗明鎮海伯鄭鴻。遣兵于瓜州。再敗之。儀徵。進取南京。追擒明福王朱由崧于蕪湖。乘勝。偕貝勒博洛定浙江。降明潞王朱常淂于杭州。以次下嘉興。湖州。紹興。寧波。嚴州。凱旋得。

恩賚。三年。坐枉治所部雅巴海妻獄。削爵。罷都統任。旋復授一等子。四年卒。

欽定盛京通志

卷七十四

國朝人物十

八

薩璧翰。姓納喇。隸正藍旗滿洲。先世居輝發。父繖坦。

太祖時。率屬來歸。任佐領。既卒。薩璧翰代之。

太宗卽位。列十六大臣。視正藍旗副都統事。天聰五年。擢戶部承政。是年八月。從圍大凌河城。明兵出城拒戰。擊却之。逐北至城濠。八年。考滿。授騎都尉。世職。崇德二年。

命改隸饒餘貝勒阿巴泰。會薩璧翰從子烏達哩。以侍衛從征朝鮮。以蓋州駐防甲士爲廝役。事覺。薩

璧翰失察。革世職。三年。裁六部承政各一員。改薩璧翰爲吏部叅政。四年。列議政大臣。六年。從攻錦州。明援兵自松山挑戰。薩璧翰先驅突陣。敵大至。圍之數重。薩璧翰身被數創。戰益酣。左右馳擊。大呼突圍以出。嗣以創發。卒于軍。長子漢楚哈。次子喀爾沁。並任爲佐領。鄂謨克圖。姓納喇。先世居葉赫。

太祖時來歸。隸正藍旗滿洲。天聰元年。從征寧遠。明總兵滿桂於城東列陣。進擊之。殪敵無算。三年。以護軍校。從征大同。攻保安州城。先登克之。

欽定盛京通志

卷七十四

國朝人物十

九

賜號巴圖魯。授三等輕車都尉世職。崇德三年。從睿親

王多爾袞征明。由青山口入。畧地至山東而還。五年。六年。兩從圍錦州。多斬獲。七年。戰杏山。追躡吳三桂兵至連山。大捷。加世職二等輕車都尉。順治元年。從入關。擊走流賊李自成。加世職一等輕車都尉。從定山西。下太原。移兵赴陝西。會英親王阿濟格師。破自成兄子錦於延安。時豫親王多鐸已入潼關。下西安。自成竄走湖廣。

二年。

命英親王帥師征之。鄂謨克圖以所部從。每戰輒捷。三年。從討流賊張獻忠於四川。平之。敘功。並遇恩詔。晉爵至一等男。歷官副都統。康熙十二年卒。諡曰襄壯。

伊拜。姓赫舍里。隸正藍旗滿洲。初事

太宗爲佐領。天聰八年。授雲騎尉世職。九年。擢都統。崇德元年。從入長城。攻克昌平。定興。諸州縣。俘獲甚衆。三年。從入青山口。越燕京。畧山東。五年。從

圍錦州。屢敗松山。杏山。援兵。城中兵突圍出戰。偕左翼軍擊卻之。六年。復圍錦州。破其山巔。步卒再破其騎兵于城下。敘功。晉騎都尉。明總督洪承疇以兵十三萬救錦州。營于松山。伊拜倚杏山而軍。以扼其歸路。旣而明兵屢敗。遂乘夜自松山竄走。伊拜截擊之。逐北至塔山。斬馘無算。順治元年。從入關。擊敗流賊李自成。尋偕都統葉臣。勦賊將陳永福于太原。克其城。招降旁近都邑。二年。從英親王阿濟格。出師塞上。入榆

林。搗綏德。敗自成兄子錦于延安。會豫親王多鐸已破賊潼關。克西安。自成竄走湖廣。遂移師躡賊。南下武昌。連拔其營。尋自成走死九宮山。錦與其黨降于明大學士何騰蛟。並授桂王朱由榔偽職。騰蛟乃以所部舊將暨錦等。分設十三鎮。竊據湖南諸州郡。勢甚張。五年。鄭親王濟爾哈朗率師征之。伊拜以所部從。六年。下湘潭。執騰蛟。分兵趨衡州。距城三十里。敵以兵千餘扼橋。結重柵而屯。自橋迤南。鱗次列寨抵城下。

伊拜督兵爭橋。大呼躍入其柵。柵毀。敵不能支。皆反走。乘勝蹴之。盡覆其寨。進薄城。陣斬偽總兵陶養用。遂定衡州。大軍別徇寶慶。辰州。武岡。沅州。靖州。俱捷。七年。凱旋。得

恩賚。九年。列議政大臣。累晉爵至三等男。十五年。卒。年六十有五。

賜祭葬。立碑墓道。以其第三子費揚古襲。

阿爾津。姓伊爾根覺羅。隸正藍旗滿洲。世居穆溪。父齊瑪塔。

太祖時來歸。阿爾津與從兄阿山。屢從征伐。積功。授二等輕車都尉。世職。天聰四年。永平灤州失守。太宗盡繫諸將。以阿爾津於灤州城內。曾力戰。既出。復能殺敵。特賞之。九年。大軍征察哈爾。時阿爾津駐歸化城。擒追喀爾喀部通明諜間。獲其駝馬等物。晉世職一等輕車都尉。崇德元年。

太宗親征朝鮮。其國王李倧遁入南漢山城。阿爾津率精銳追躡。敗其援兵于要隘。二年。率每旗親軍五人。往鐵山緝明哨卒。尋列議政大臣。六年。明

總督洪承疇守松山。阿爾津屢擊敗其步騎兵。敵走保一臺。阿爾津率三旗護軍。攻克其臺。斬敵將三人。盡殲其衆。復破敵營三。并援出前鋒之被圍者。順治元年。從入關。追敗流賊李自成于安肅。尋以從征江南四川。並有功。屢加世職。至一等子爵。又一雲騎尉。九年。授定南將軍。勦湖廣賊寇。十二年。授寧南靖寇大將軍。守荊州。統兵破賊渠姚黃于夷陵。招撫蠻部洞酋。十五年。進征雲南。卒於軍。

詔贈太子太保。諡端果。立碑如例。

庫爾禪。伊拜弟也。初任佐領。天聰九年。從征黑龍江有功。授雲騎尉世職。崇德三年。擢都察院理事官。兼任叅領。五年。從工部承政薩穆什喀征索倫。師還。其部長博穆博果爾與烏拉兵遊戰于路。擊敗之。尋從攻錦州。三戰皆捷。六年。擢都察院叅政。再圍錦州。明兵自松山來援。奪我巨礮。力戰卻之。敵悉衆犯我山巔營。率所部擊斬四十一人。敵棄軍械潰走。所獲甚衆。八年。擢

欽定盛京通志

卷七十四

國朝人物十

三

副都統。順治元年。從入關。敗流賊李自成于望都。二年。從豫親王多鐸。擊賊潼關。連破其兩營。四年。駐防濟南。遣兵勦土賊謝遷等于淄川。明年還京。授都察院承政。尋改叅政。六年。偕都統譚泰。征江西叛鎮金聲桓。卒于軍。前此屢以功敘。並遇

恩詔。晉世職爲一等輕車都尉。及是。以其子舒赫襲。

科爾崑。姓阿顏覺羅。隸正藍旗滿洲。初爲貝勒阿巴泰護衛。天聰六年。從征察哈爾。崇德元年。

從征朝鮮。皆有功。授前鋒護衛。五年。從鄭親王濟爾哈朗圍錦州。偕佐領索歡。敗明兵于松山。明總督洪承疇以兵十三萬來援。挫其前鋒。六年。從英親王阿濟格。駐師杏山。擊走寧遠騎兵。追至連山。馬中流矢仆。科爾崑躍起。手斬騎者一人。乘其馬而還。尋英親王閱視寧遠城濠。科爾崑與索歡從。敵騎猝至。戰卻之。衛王以行。而索歡陷重圍。科爾崑復單騎突入圍。翼之出。七年。從貝勒阿巴泰。征明。下薊州。破明總督范志

完軍于豐潤。又偕前鋒叅領鄂碩。破其援兵。八年。授佐領。兼兵部理事官。順治元年四月。擊敗流賊李白成於山海關。再敗之望都。六月。從都統葉臣。勦賊黨陳永福于太原。戰城下。賊未衄。遽歛兵入城。計必乘夜襲我營。遂設伏以待。夜半。賊果至。伏發。盡殲之。卒下其城。從英親王追李白成于湖廣。連破賊。敘功。授世職騎都尉。兼一雲騎尉。三年。從肅親王豪格。勦流賊張獻忠。過漢中。擊敗叛鎮賀珍兵。進擊獻忠于西充之

鳳皇坡。殪之。分勦其餘黨。斬獲甚衆。五年。凱旋。游晉。二等輕車都尉。六年。任前鋒叅領。從鄭親王濟爾哈朗。征明桂王朱由榔於湖廣。進兵湘潭。破西山。擒其大學士何騰蛟。乘勝下寶慶。武岡。分兵克沅州。道州。復晉一等輕車都尉。兼一雲騎尉。九年。從敬謹親王尼堪。戰于衡州。僞晉王李定國列象陣以拒。科爾崑發矢貫象鼻。象奔。大破定國兵。又敗僞秦王孫可望于寶慶。而敬謹親王以窮追定國。歿於陣。科爾崑還奏捷。

諱之。旣而事

聞乃坐奪爵。十三年。擢護軍統領。十四年。孫可望來降。定國與僞鞏昌王白文選。擁由榔據雲南。大軍分三道進討。科爾崑從大將軍洛託。自沅州入貴陽。與副都統瑪爾賽。將趨黃平州。聞文選方踞七星關。瑪爾賽分兵由萬奇嶺攻其前。挑文選出戰。佯北以致其追。而自率兵三千。出間道攻其後。呼噪縱擊。文選後軍亂。瑪爾賽還師夾攻之。賊潰遁。遂取黃平。明年。還京。初。李自成死。



餘賊郝永忠等降於何騰蛟。騰蛟就擒。永忠與其黨李來亨、劉汝魁竄伏歸州與山間。康熙二年。

命都統穆哩瑪圖海討之。圖海出歸州，勦汝魁諸賊。穆哩瑪出宜昌，勦來亨諸賊。科爾崑以護軍隸穆哩瑪，率兵五千先驅，搗其巢于茅麓山。永忠來亨悉衆拒戰。時穆哩瑪旣以大軍至，與科爾崑登高覘賊勢，伺其稍怠，縱兵擊破之。科爾崑曰：賊旣創，將致死于我軍，計必乘夜襲我營。乃簡

勁卒伏隘口。來亨率衆萬餘來犯，遇伏，大敗去。明日，賊集敗衆數千，列刀盾而陣。我兵張兩翼，緩進。科爾崑疾攻其中堅，鋒旣交，兩翼兵橫擊之。賊敗潰，賊有別巢，曰譚家砦，多儲積芻糧，倚以濟餽，爲持久計。科爾崑分兵攻之，拔其柵。賊將李嗣名中流矢死，賊以死守砦。科爾崑以兵斷其汲道，未二旬，賊渠高必正、黨守素率其屬一百六十餘人來降。科爾崑旋師，與穆哩瑪合，而圖海亦滅汝魁諸賊，會師茅麓山，作長圍以

困之。來亨自經死。餘黨悉降。乃班師。以功。授雲騎尉世職。八年卒。

賜祭葬如典禮。子摩囉歡襲。

覺羅郎球。隸正藍旗滿洲。

景祖第三兄索倫阿之曾孫也。初任理事官。兼護軍叅領。崇德六年。從征錦州。擊敗松山援兵。旣而明總兵王樸。吳三桂。自杏山敗遁。郎球與內大臣錫翰等。設伏高橋。截擊之。追至塔山。盡殲其衆。樸。三桂。僅以身免。七年。授禮部叅政。明年。擢承

欽定盛京通志

卷七十四

國朝人物十

七

政。順治元年。改任禮部尙書。贊定

郊

廟大典。二年。隨順承王勒克德渾征流賊于湖廣。明年。師至石首。偵知賊欲渡江。走荊州。郎球乃分兵趨江濱。覘賊旣渡。盡取其舟。及大軍擊賊荊州。賊敗還。不得渡。悉俘斬之。尋授三等輕車都尉。歷遷吏部刑部尙書。兼滿洲正藍旗都統。八年。英親王阿濟格有罪。坐徇隱。免官。奪世職。九年。復任禮部尙書。列議政大臣。十一年。遷戶部。累

加少保。兼太子太保。十三年。坐庇員外郎朱世德。請免其所虧權帑。遂罷。康熙五年卒。年七十有三。

賜祭葬如例。

費揚武。姓納喇。隸正藍旗滿洲。累官叅領。崇德七年冬。從貝勒阿巴泰征明。甫入邊。明山海關總兵馬科迎戰。費揚武破走之。遂越燕京。趨山東。力戰膠州城外。破明兵千餘。乘勝薄濱州。以雲梯克其城。及師還。先後破明總督范志完。總

欽定盛京通志

卷七十四

國朝人物

六

兵吳三桂軍。衛所俘以還。敘功。授雲騎尉世職。順治元年。從入關。大破流賊李自成騎兵。尋署護軍統領。從豫親王多鐸追勦自成。師抵潼關。賊將劉宗敏等引衆拒戰。費揚武率所部兵敗賊山下。連破其兩營。二年。移師下江南。攻揚州。獲船二百餘。進抵江寧。逐北至蕪湖。明總兵黃得功敗死。尋從貝勒博洛定浙江。擊走明閣部馬士英于杭州。復以兵平海寧。平湖土寇。獲明總兵王之仁戰艦十有六。十二月。授議政大臣。

屢以功。晉騎都尉。加一雲騎尉。予世襲。四年。從征福建。卒于軍。以其子雅素喀襲。

武達禮。姓納喇。隸正藍旗滿洲。初爲前鋒侍衛。兼王府長史。崇德八年。擢國史院學士。順治元年。從豫親王多鐸討李自成。進師潼關。下西安。自成走商州。二年。移師下江南。三年。從端重親王博洛征福建。時明唐王朱聿鍵。僭號福州。海賊鄭芝龍受僞爵。爲平國公。大軍入閩。擒斬聿鍵。芝龍猶擁兵觀望。端重親王遣武達禮赴泉

欽定盛京通志

卷七十四

國朝人物十

九

州開諭之。芝龍乃降。五年。擢工部啟心郎。八年。遷刑部。屢遇

恩詔。晉世職三等輕車都尉。十一年。擢兵部左侍郎。專司督捕。十七年。以督捕不力。降通政使。並降世職爲騎都尉。

聖祖卽位。擢吏部侍郎。康熙五年。以病免。八年。起刑部侍郎。歷任工部刑部禮部吏部尙書。二十年。三月致仕。五月卒。

賜祭葬如例。

錫特庫。隸正藍旗滿洲。自幼從征伐。天命初。授備禦。天聰四年。從征明。擊敗其前哨。八年九年。畧明錦州。有俘獲。崇德二年。同勞薩等往偵明邊。俘斬其二十二人還。七年。入明邊。斬其守備等員。俘獲甚衆。論功。授二等叅領。世職。順治元年。從入關。平定山西太原等處。復有功。三年。從追騰吉思。累加世職至一等男。

扈扎拉。隸正藍旗滿洲。父瑚什。崇德二年。在皮島陣亡。見忠節傳。扈扎拉襲父佐領。六年。從征

欽定盛京通志

卷七十四

國朝人物十

三

明錦州有功。順治初。加二等輕車都尉。官副都統。康熙十二年。卒。

賜祭葬如典禮。

蘇法。蘇魯邁第三弟也。初任佐領。崇德三年。從征明。攻克山東泗水。順治元年。追敗流賊于潼關。得功三次。旋征江南。攻克宜興崑山。累加三等輕車都尉。世職。

哈爾松阿。姓鄂卓。隸正藍旗滿洲。初任禮部叅政。天聰八年。奉

命往迎察哈爾歸附之衆。收五千戶而歸。又以出使土默特功。授佐領。世職。崇德三年。更定官制。改爲理事官。四年。隨征薩哈連烏拉有功。五年。隨征明。圍錦州。敗松山步兵。六年。復圍錦州。敗明經畧洪承疇三營步卒。又以屯田著績。順治初。累加世職。至二等輕車都尉。滿都禮。隸正藍旗滿洲。世居葉赫東城。葉赫未平時。卽先衆來歸。

太祖遣之諭葉赫。往返十二次。盡招其親族來歸。論功。

欽定盛京通志

卷七十四

國朝人物十

三

授備禦。世職。天命四年。從攻撫順。六年。從征遼陽。俱克敵有功。被創不稍退。敵兵侵我臺堡。奮擊敗之。以功。加遊擊。世職。任叅領。尋以從征寧遠。緣事革世職。仍任叅領。兼佐領。及征棟鄂。卒於軍。

碩什烏巴什。姓納喇。隸正藍旗滿洲。天命七年。奉

命往招察哈爾。察哈爾汗不從。且誘之降。碩什烏巴什不屈。囚之三載。乘間得脫。裸體忍饑逃歸。

太祖憫之。給人戶有差。又奉

敕招諭巴克貝勒。時有昂阿貝勒者。以兵邀諸路。諸人皆畏懼。頤什烏巴什獨挺身前進。大敗其衆。直抵其地。招諭而還。

太祖嘉之。以御用袍帶及馬賜之。授備禦世職。

薩木哈圖。隸正藍旗滿洲。天聰三年。隨

太宗征明。攻遵化。先登克其城。

太宗以金卮酌酒勞之。授備禦世職。仍

欽定盛京通志

卷七十四

國朝人物十

三

諭以有過俱赦。家貧卽卹。

賜號巴圖魯。並賚馬駝緞布等物。八年卒。

寧格禮。姓寧古塔。隸正藍旗滿洲。

國初來歸。以功授世職三等叅領。崇德八年。隨征黑龍江及雅克薩。奮勇擊敵。論功加授二等叅領。世職同旗有尼哈哩。亦以軍功授世職三等叅領。

希雅爾球。隸正藍旗滿洲。崇德三年。隨征明。至山東。攻棲霞。以第二人登城拔之。順治間。三過

恩詔。加三等輕車都尉世職。

諾木圖。隸正藍旗滿洲。天聰八年。授佐領。崇德五年。從征明。圍錦州。我師駐呂翁山顛。明總兵吳三桂縱兵來犯。擊敗之。六年。再圍錦州。擊松山兵有功。順治初。入關。追敗流寇有功。累加二等輕車都尉世職。

達理善。隸正藍旗滿洲。

國初。從征羅刹。與敵戰於江中。首先躍入賊船。破之。論功。授佐領世職。

欽定盛京通志

卷七十四

國朝人物十

三

隨孫。隸正藍旗滿洲。天聰八年。往探明寧遠壕塹。路遇明兵。擊敗之。又敗明沙河所兵。順治元年。從入關。敗賊偽總兵唐通于一片石。又追賊至安肅。斬馘甚衆。至慶都。復大破之。論功。並屢遇

恩詔。加三等輕車都尉。

拜音察理。隸正藍旗滿洲。天聰八年。從征明。攻保安州。先登破之。論功。加優敘。復以其子什特庫。人關。破流賊有功。加贈二等輕車都尉。



衮泰。隸正藍旗滿洲。崇德三年。隨征明。至山東。攻沂水。以第一人登。

賜號巴圖魯。授佐領世職。順治元年。從入關。擊流賊。敗之。又追敗之于慶都。論功。三遇

恩詔。加二等輕車都尉世職。

巴蘭。姓博爾濟錦。隸正藍旗滿洲。崇德三年。從征明。敗明兵于臺頭營。渾河岸等處。順治二年。隨南征。至湖廣浙江。屢戰有功。授一等叅領。五年。從征福建。沿途招降郡縣。復敗賊于泉州南安。論功。累遇

欽定盛京通志

卷七十四

國朝人物十

十五

恩詔。加二等男世職。

巴輅。隸正藍旗滿洲。初從征薩哈連烏拉。有功。任佐領。崇德三年。隨征明山東。攻克陵縣。又連敗明兵。順治元年。從定山西。敗流寇于絳州。二年。南征。敗賊于九江之富池口。復追擊至湖廣承天。獲戰艦無算。三遇

恩詔。加三等輕車都尉世職。

拜音達哩。隸正藍旗滿洲。崇德三年。隨征明。攻

山東樓霞以第一人先登克之。

賜號巴圖魯。授佐領世職。順治三年。隨征福建。進攻延平。累戰有功。三遇

恩詔。加二等輕車都尉。

剛阿達。姓達木扎。隸正藍旗滿洲。崇德三年。隨征明。至廣平。圍臨洛關。以第二人登城拔之。順治初。累加三等輕車都尉世職。

卓和諾。姓台楚嚕。隸正藍旗滿洲。崇德三年。從征明。攻南宮。先登克之。八年。復從征明。敗明兵

欽定盛京通志

卷七十四

國朝人物十

五

于三河。順治元年。隨入關。擊流寇。復有功。三遇恩詔。加二等輕車都尉世職。

篇古。隸正藍旗滿洲。崇德三年。從征明山東。敗明兵于膠州。進攻濱州。督雲梯先登。順治初。入關。擊破流賊于潼關。平定河南江寧。俱在事有功。尋至浙江。敗明僞大學士馬士英軍。復敗之平湖。論功。以佐領加一雲騎尉。

瑋達理。隸正藍旗滿洲。崇德三年。隨征明。攻霸州。以第三人登。順治初。遇

恩詔。加三等輕車都尉。同旗有邦鈕。崇德三年。從征明。攻鵬鶚城有功。又有弼赫納。崇德八年。從征明。攻濱州。有功。皆累加輕車都尉世職。

綽達什。隸正藍旗滿洲。崇德三年。從征明。敗明太監高起潛軍。又敗其錦州兵。六年。從圍錦州。擊敗明松山兵。及明經畧洪承疇三營軍。明年。征寧遠。敗明總兵吳三桂軍。順治二年。追敗流賊于潼關。及平河南江寧。俱在事有功。尋至浙江。敗明僞大學士馬士英于杭州。獲戰艦無算。

欽定盛京通志

卷七十四

國朝人物十

三

三年。從追騰吉思。敗土謝圖汗。及碩雷汗兵。又連敗賊張二等。六年。從征山西叛鎮姜瓖。大敗其兵。九年。征鄂爾多斯。復有功。十一年。從平廣東。累加一等輕車都尉世職。

珠赫納。姓伊拉喇。隸正藍旗滿洲。崇德三年。隨征明。至山東。屢敗敵有功。順治初。遇

恩詔。加世職三等輕車都尉。十一年。從征廣東。破僞晉王李定國軍於新會。論功。加二等輕車都尉世職。

蘇爾德。隸正藍旗滿洲。崇德五年。從征明。圍錦州。敗松山杏山軍。六年。再圍錦州。敗明經畧洪承疇軍。明年。從征寧遠。復在行間有功。順治元年。隨入關。擊流寇。二年。追敗流賊於潼關。及南征。克江寧。進師高淳。復敗敵有功。授佐領。世職。三年。從定福建。連敗敵兵於建寧汀州。論功。又加一雲騎尉。同旗有布岱。崇德時。從征山東。以功。

賜號巴圖魯。授佐領。順治初。加二等輕車都尉。世職。

欽定盛京通志

卷七十四

國朝人物十

三

瑚紐。隸正藍旗滿洲。崇德二年。從圍錦州。擊敗明經畧洪承疇軍。復夜逐哨卒。多俘馘。順治元年。隨入關。追流賊有功。嗣遇

恩詔。加世職三等輕車都尉。十五年。從征貴州。擊偽總兵羅大順軍。連戰勝之。凱旋。至江南。敗海賊鄭成功之衆。論功。加授二等輕車都尉。世職。傅魯肯。隸正藍旗滿洲。崇德八年。從征明。至山東。攻武城。以第一人登。

賜號巴圖魯。授佐領。順治初。贈二等輕車都尉。世職。

蘇勒特。姓民覺羅。隸正藍旗滿洲。崇德五年。從  
征明。圍錦州。連敗杏山。松山兵。六年。復圍錦州。  
破明經畧洪承疇三營軍。八年。征寧遠。城中兵  
出戰。擊敗之。順治元年。隨入關。破流賊有功。二  
年。追破流賊於潼關。五月。平定江南。又屢敗敵  
兵於高淳。鎮平。以功。授佐領世職。三年。隨平福  
建。薄建寧。延平。汀州。皆在事有功。加一雲騎尉。  
嘉塔。隸正藍旗滿洲。初從征明燕京。及寧遠。皆  
有功。崇德三年。圍錦州。擊敗明松山兵。順治元  
年。以入關擊流寇有功。加佐領世職。是年冬。追  
勦流寇。至陝西綏德。延安等處。連戰皆捷。追至  
武昌。復破其衆。師至九江。獲戰艦無算。屢敗賊  
衆。三年。從征騰吉思。擊敗土謝圖汗。及碩雷汗  
兵。以功。累遇

恩詔。加一等輕車都尉世職。

希佛。姓民覺羅。隸正藍旗滿洲。崇德六年。從圍  
錦州。擊敵有功。得

賜馬。順治初。從擊流寇。著有勲績。又以破海寇鄭成功。

累加雲騎尉世職。

蘇斐。隸正藍旗滿洲。崇德三年。從征明。至山東  
攻臨淄。掘壕克之。授佐領。順治元年。隨追流寇。  
三敗其衆於潼關。二年。從征江南。攻克宜興崑  
山常熟等處。錄功加優敘。